

4.1 Malaman ang ibat' ibang uri ng pananaliksik

MGA URI NG PANANALIKSIK

Ang uri ng pananaliksik na tumutukoy sa sistematikong kalipunan ng mga metodo o pamamaraan at proseso ng imbestigasyon na ginagamit sa pangangalap ng datos sa isang pananaliksik. Mayroon pang ibang uri ng pananaliksik tulad ng;

Mga Uri ng Pananaliksik

1. Applied Research (Inilapat na Pananaliksik)

- Ito ay ginagamit upang tugunan ang mga tiyak na suliranin sa kasalukuyan.
- Kadalasang gumagamit ng estadistika at mas sopistikadong pamamaraan.
- Nakatuon ito sa aplikasyon ng kaalaman upang makahanap ng praktikal na solusyon.

2. Pure Research (Puro o Batayang Pananaliksik)

- Layunin nitong palalimin ang kaalaman nang walang agarang praktikal na gamit.
- Isinasagawa dahil sa personal na interes o kasiyahan ng mananaliksik.
- Maaari ring magsilbing batayan ng mga susunod na *applied research*.

3. Empirical Research (Empirikal o Mala-siyentipiko)

- Tumutuon sa aktuwal na datos, ebidensya, at mga obserbasyon.
- Nangangailangan ng maingat at sistematikong pagsusuri.
- Madalas itong ginagamit sa agham, medisina, at sosyal napananaliksik.

Mga Pamamaraan ng Pananaliksik

1. Deskriptibong Pamamaraan

- Layunin nitong ilarawan ang kasalukuyang kalagayan ng isang paksa.
- Tumutugon sa mga tanong na “sino,” “ano,” “kailan,” “saan,” at “paano.”
- Ginagamit upang maunawaan ang mga pananawat karanasan ng mga respondente.
- Ayon kay **Alipio Garcia**, ito ay nagbibigay-diin sa kasalukuyang sitwasyon upang mas mailarawan ang sanhi ng mga penomenon.

2. Historikal na Pamamaraan

- Nakatuon sa pag-aaral ng mga pangyayari sa nakaraan.
- Layuning ilarawan at suriin ang epekto ng kasaysayan sa kasalukuyan.
- Ginagamit ang mga tala, dokumento, at iba pang historikal nabatis bilang sanggunian.

3. Eksperimental na Pamamaraan

- Layunin nitong subukin at tukuyin ang ugnayan ng mga baryabol.
- May kontrolado at sistematikong proseso upang masukat ang epekto ng mga salik.
- Ayon kay **Luke Wales**, dapat matukoy ang mga baryabol na mayroon at walang kinalaman sa suliranin, upang makabuo ng balidong resulta.

4. Etnograpikong Pamamaraan

- Nakabatay sa antropolohiya, ito ay masusing pag-aaral sakultura ng isang grupo.
- Kinakailangan ang aktuwal na pakikisalamuha sa pamayanan at pagmamasid.
- Batay kay **Eugene Y. Evasco** may tatlong antas ng pagpapakahulugan ang pamamaraang etnograpiko.

- Ayon kay **Eugene Evasco**, ito ay hindi lang metodolohiya kundi paraan ng pagsusulat na may elementong deskriptibo, replektibo,at malikhain.

Kahalagahan ng Pananaliksik

- Pinapalawak nito ang kaalaman ng mananaliksik hindi lamang sa kanyang paksa kundi pati sa lipunang kinabibilangan niya.
- Tumutulong ito sa pagpapalalim ng pag-unawa sa mga suliraning panlipunan at kung paano ito maaaring matugunan.
- Ang pananaliksik ay makabuluhan kung ito ay tumutugon sa tunay na pangangailangan ng lipunan.
- Nagsisilbi rin itong daan upang makisalamuha ang mananaliksik sa iba't ibang sektor ng komunidad at makitang epektibo ang agham at kaalaman sa pagpapabuti ng buhay.